

將兩路工程預算及各種辦法。另錄清摺。及宜民市連桂坊路線圖各一份。呈請鈞署審核。俯賜備案。仍候指令祇遵。實為公便。謹呈
廣東省長鑒。

計附呈開關馬路工程預算及各種辦法清摺一扣宜民市連桂坊路線圖各一幅

廣州市市長孫科

九月五日發

呈省署據工務局長林逸民呈請辭職 擬以公用局長姚觀順暫行兼理由

呈請薦委兼理事。竊職應現據工務局長林逸民呈稱。竊逸民備位工局。力小任大。事與願違。曾於去歲十月懇請辭職不獲。又於前月再呈重申前請。旋奉批開。以六街馬路觀音山公園等。正在進行。所請不准。自惟德薄。屢荷深知。屬望彌殷。負慙無地。伏查六街馬路。觀音山公園等籌款辦法。及工程計畫。均已確定。無虞變更。故路政進行。不因易人而中止。未來計畫。可因得人而展布。倘塞讓賢之路。徒增複雜

文 牘 咨 文

之譏。而局中困難。日甚一日。誠非下才所能勝任。為此演請鈞長。准予辭去工務局局長一職。并請于三日內簡員接替。以重局務。實為公便。等情據此。查該局長任事以來。辦理認真。深資得力。迭據呈請辭職。當經一再慰留。惟現聞呈詞。情殊懇摯。似應照准。所遺工務局局長一職。一時尙未得選妥員接任。查有現任市公用局長姚觀順。堪以荐請暫行兼理。理合備文呈請
鈞署審核。俯賜加給委任。以重局務。實為公便。謹呈
廣東省長鑒。

廣州市市長孫科

九月五日發

咨 文

咨 審計處送本廳十三年八月分經常
費支付預算書請審查由咨第四二七號

為咨送事。查本廳十三年七月分支付預算書。業經照案編送在案。茲十三年八月分經常費預算。現已依式編造竣事。相應備文咨送
貴處。希為審查見復。是荷。此咨

二七